


446

H

29





kw 446 H 29
DISPUTATIO JURIDICA
AD

L. Scio illud. ff. de restitutione
in integrum.

Q V A M,

Anniente Deo Opt. Max.;

S V B P R A E S I D I O


Clarissimi & Consultissimi Viri,

D. NICOLAI DEDEL, J.C., & in Illu-
striss. Lugd. Batav. Acad. Professoris,


Publicè discutiendam proponit

HENRICUS REAEL, Amstel. Batav.

Ad diem 25. Martii, horis locoque solitis.



LUGDUNI BATAVORUM,
Apud ABRAHAMUM COMMELINUM.
ANNO MDCLXXXIII.





*Amplissimis, Clarissimis, Prudentissi-
misque Viris,*

D. PETRO REAEL, Parenti
omni reverentia in æternum colendo.

D. NICOLAO DEDEL, I.U.D.,
Studiorum meorum promotori meri-
tissimo.

D. FRANCISCO REAEL, I.V.D.
Fratri.

D. IACOBO BAS, I.V.L.
Affini.

Primitias hæc

Submisit offert & inscribit

HENRICUS REAEL

Resp.




DISPUTATIO JURIDICA

AD

L. Scio illud. ff. de restitutione
in integrum.

*Scio illud à quibusdam observatum, ne propter
satis minimam rem, vel summam, si ma-
jori rei vel summæ præjudicetur, audiatur
is, qui in integrum restitui postulat.*

POSITIO I.

bservatum.) Quæ judicio sæpius
ventilata & decisa, serio obser-
vanda, & pro lege habenda.
Nec tamen consuetudo, quæ le-
gis vim habet, atque pro jure non scripto
habetur, requirit judicium contradicto-
rium; quamvis plurimum proficiat ad ejus
probationem. l. 32. cum ill. seqq. ff. de le-
gib. Schneidew. ad l. ex non scripto. instit. de
jure natur. gent. n. 6. Gail lib. 2. observat. 32.
num. 8.

A 2

II. Consue-

Consuetudinis ea vis est, ut vincat & abroget legem. Modo longo & diuturno usu ita observatum fuerit, nec absonans à ratione, alias corruptela dicenda. *l. 33. ff. de legib. l. 2. C. quæ sit longa consuet. & ibid. Perez. num. 10.*

III.

Minimam.) Rei minimæ prætor rationem etiam habere solet. Gomez. *ad §. penales. instit. de action.* Etiam concedere restitutionem. Couvarruv. *Var. resolut. lib. 1. c. 3. n. 11.*

Quamvis autem ob minimam rem, 1. ad duos aureos, prætor non dat actionem de dolo, attamen actioni furti locus est ob minimam rem furto ablatam. *l. 2. §. fin. cum l. seq. ff. de dolo. §. gallinarum. instit. de rer. divis.* Baro *ad l. 10. ff. de dol. Diss. Zasius singul. quæst. cap. 26.*

IV.

Majori rei vel summæ.) Vt si gregem e-
merit

merit aut vendiderit minoris, in uno capite circumscriptus non propterea in integrum restituendus. Baro *ad. d. l. 4.* Facit *l. 16. ff. de except.* ubi exceptio, ut præjudicium prædio non fiat. Admittitur adversus petentem servitutem. Adde Zas. *ad. d. l. 16.* Duaren. *ad. tit. de restitut.*

V.

Intelligenda *d. l. Scio.* non solum de minore, sed etiam de majore. Pinell. *ad. l. 2. C. de rescindend. vendit.*

VI.

In integrum restitui.) Restitutio in integrum est causæ jure amissæ redintegratio. quæ conceditur tam majoribus, quam minoribus 25. annis.

VII.

Furiosis & prodigis datur restitutio ex edicto de Majoribus. cap. Sc. *Si qua mihi justa causa, &c.* Non autem ex edicto
A 3 de mi-

de minoribus. distinguendo. Dissent. Sfortias Oddo *tract. de restitut. in integr. part. 1. quæst. 3. art. 1.*

IX.

Beneficium restitutionis cum ob causam læsionis datur tam majoribus quam minoribus, est reale. transit ad heredes & fidejussores. Sin vero intercessu fiat ob minorem ætatem, fidejussoribus non prod-
Herit. Sackelmann. *illustr. quæst. Disput. 3. thes. 1.* Perez. *ad. tit. C. de fidei minor.*

X.

An minor, si vetulam, edentatam, annis rugisque oblitam, patre cogente duxerit, utetur beneficio restitutionis? quod negamus. Gail. 2. *observ. 93. n. 22.*

XI.

Minori adversus minorem, filiumf., & mulierem restitutio deneganda non est. Perez. *in C. ad. tit. qui & advers. quos.*

Minori

XII.

Minori hoc beneficium conceditur ad-
versus omiffam solutionē canonis, quan-
do agitur emphyteufi a vitā aut paterna.
Fab. errore pragmat. 5. decad. 25. num. 14.
Disfent. Bartol. in l. cum filiusfam. §. in
hac stipul. num. 4. ff. de verbor. obligat.

XIII.

Iuris u. Doctor à restitutione non ex-
cluditur, ejusque petitio nomen famam-
que non minuit. Sarmiento. *selectar. inter-*
pr. lib. 3. cap. 12.

XIV.

Minor restitutionis beneficio renuntia-
re non potest, quamvis juramentum ac-
cesserit, ut etiam juramentum reductio-
nem ad arbitrium boni viri non inhibet.
vide *Oddon. d. p. 1. quæst. 26.*

COROL

COROLLARIA.

I.

Contractus bonæ fidei ob dolum dantem causam contractui, est ipso jure nullus, sed ob incidentem non æquè.

II.

Minor existens fidejussor & laudatus ac approbatus à majore, si restituatur in integrum ex capite minorum, non oberit hoc majori. Dissent. Bald. in *l. cum ostendimus. §. 3. ff. de fidejuss. & nominat. DD. in l. de die. §. qui mulierem. ff. qui satisd. cog.*

F I N I S.



